

[Data 18.09.2023]

## **PROCESVERBAL- Tipi i kontratës - Shërbime**

### **PËR ARGUMENTIMIN DHE MIRATIMIN E SPECIFIKIMEVE TEKNIKE DHE KRITEREVE PËR KUALIFIKIM**

*(Ky procesverbal është për efekt publikimi bashkë me dokumentet e tenderit)*

**OBJEKTI I PROCEDURËS: ”Për miratimin e Vlerësimit të Riskut nga Fatkeqësitë e Strategjitë për zvogëlimin e Riskut nga Fatkeqësitë 2023-2030 në Nivel Lokal”**

**KODI PËRKATËS NË FJALORIN E PËRBASHKËT TË PROKURIMIT (CPV): Vlerësimi i riskut ose rreziqeve të tjera përveç se për ndërtim 90711200-6, Shërbime të mbrojtjes ndaj rreziqet natyrore apo rreziqeve të tjera 90721800-5**

Vlera e Fondit Limit: **41,308,333.3 (dyzet e një milion e treqind e tetë mijë e treqind e tridhjetë e tre presje tre) lekë pa tvsh.** Sipas kursit zyrtar të këmbimit të Bankës së Shqipërisë kjo vlerë konvertohet në **388,272.7 Euro**

**\* Kursi zyrtar i këmbimit sipas Bankës së Shqipërisë në datën 18.09.2023 është 106.39 Lekë/Euro**

Në bazë të nenit 21, pika 2, të Ligjit nr.162/2020 “Për prokurimin publik”, nenit 2, pika 2/c dhe nenit 78, pika 2, të VKM nr. 285, datë 19.05.2021 “Për miratimin e rregullave të prokurimit publik”(i ndryshuar), autoriteti kontraktor Bashkia Tiranë ka hartuar procesverbalin për argumentimin dhe miratimin e termave te references dhe kriterëve për kualifikim për procedurën e sipërcituar, me përmbajtjen si më poshtë:

#### **I. KRITERET E VEÇANTA TË KUALIFIKIMIT**

1. Ofertuesi duhet të paraqesë:

*a. Formularin Përmbledhës të Vetëdeklarimit, sipas shtojcës 12;*

*b. Sigurimin e Ofertës, sipas Shtojcës 5;*

*Kriteret e mesiperme janë vendosur në përputhje me Nenin 82 “Formulari përmbledhës i vetëdeklarimit” dhe Neni 83 “Sigurimi i ofertës”, të Ligjit Nr.162/2020 “Për Prokurimin Publik” si dhe në mbështetje të nenit 30, pika 1, të VKM-së Nr.285, datë 19.5.2021 “Për Miratimin e Rregullave të Prokurimit Publik” i ndryshuar: citojme Neni 83 i LPP “Autoriteti kontraktor duhet të kërkojë paraqitjen e sigurimit të ofertës nga ofertuesit në të gjitha llojet e procedurave të prokurimit, me përjashtim të procedurave të prokurimit me vlerë të vogël”, Neni 82, i LPP “1. Bashkë me dorezimin e kërkesave për pjesëmarrje ose të ofertave, autoritetet ose entet kontraktore pranojnë si prove paraprake në vend të disa vertetimeve të leshuara nga autoritetet publike ose pale të treta, formularin përmbledhës të vetëdeklarimit, sipas parashikimeve të këtij ligji. Përmbajtja e këtij formulari percaktohet në rregullat e prokurimit publik”.*

## **2. Kandidati/Ofertuesi duhet të dorëzojë:**

### **2.1. Përshatshmëria për të kryer veprimtarinë profesionale:**

2.1.1 Referuar pikës 1 të shtojcës 11, ofertuesi duhet të deklarojë se përmbush kriteret e përgjithshme të pranimit/kualifikimit. Këto kritere duhet të plotësohen me dorëzimin e vetëdeklaratës me shkrim të subjektit, në ditën e hapjes së ofertës, sipas Shtojcës 12.

**Argumentimi:** *Kërkesa e mësipërme bazohet në nenin 77, pika 1/a dhe 2, të LPP, nenit 41, pika 5, të VKM nr. 285, datë 19.05.2021 "Për miratimin e rregullave të prokurimit publik", si dhe shtojcës 11 të DST-së.*

### **2.2. Kapaciteti ekonomik dhe financiar:**

2.2.1 Vërtetim për xhiron vjetore për vitet financiare (2020,2021,2022), ku vlera e xhiros për të paktën një nga vitet e periudhës së kërkuar duhet të jetë jo më e vogël se 30% e vlerës së parashikuar të kontratës. Kërkesa për plotësimin e kapaciteteve financiare konsiderohet e përmbushur nëse operatorët ekonomikë arrijnë vlerën e xhiros minimale, në të paktën një vit të periudhës së kërkuar nga autoriteti/enti kontraktor.

**Argumentimi:** Kërkesa e mësipërme është përcaktuar bazuar në vlerën e fondit limit të kësaj procedure, si dhe nenin 77, pika 3, të LPP, si dhe nenin 43, pika 2/c, të VKM nr. 285, datë 19.05.2021 "Për miratimin e rregullave të prokurimit publik" i ndryshuar.

*Përcaktimi i vlerës së kërkuar argumentohet si më poshtë: "Vlera e xhiros minimale vjetore që u kërkohet operatorëve ekonomikë nuk mund të tejkalojë: "40% të vlerës së parashikuar të kontratës ne procedurat e prokurimit..... dhe ne procedurat e prokurimit "Shërbim Konsulence", si dhe në Ligjin nr. 8438, datë 28.12.1998 "Për tatimin mbi të ardhurat", i ndryshuar, VKM nr. 922 datë 29.12.2014 "Për deklarimin e detyrueshëm të deklaratave tatimore dhe të dokumenteve të tjera tatimore, vetëm nëpërmjet forms elektronike", si dhe në Udhëzimin e Ministrit të Financave nr.5, datë 30.01.2006, "Për tatimin mbi të ardhurat", i ndryshuar.*

*Përcaktimi i viteve të kërkuara për paraqitjen e vërtetimit të xhiros vjetore është bërë bazuar në nenin 43, pika 1, të VKM nr. 285, datë 19.05.2021 "Për miratimin e rregullave të prokurimit publik" i ndryshuar, ku përcaktohet se: "Autoriteti/enti kontraktor, për të provuar kapacitetet financiare dhe ekonomike, kërkon kopje të deklaratave të xhiros vjetore të realizuar nga operatori ekonomik dhe, sipas rastit të xhiros që mbulon kontrata, për një periudhë maksimumi deri në 3 (tre) vitet e fundit financiare", si dhe në legjislacionin e fushës ne fuqi, përkatësisht në Ligjin nr. 8438, datë 28.12.1998 "Për tatimin mbi të ardhurat", i ndryshuar, VKM nr. 922 datë 29.12.2014 "Për deklarimin e detyrueshëm të deklaratave tatimore dhe të dokumenteve të tjera tatimore, vetëm*

*nëpërmjet formës elektronike", si dhe në Udhëzimin e Ministrit të Financave nr.5, datë 30.01.2006, "Për tatimin mbi të ardhurat", i ndryshuar.*

**2.2.2** Kopje të çertifikuara të bilanceve të tre viteve të fundit (2020, 2021, 2022) të paraqitur pranë autoriteteve përkatëse, të konfirmuara nga ky autoritet që të tregojnë raportet, ndërmjet aktivitetit dhe pasivitetit. Kjo kërkesë konsiderohet e përmbushur nëse në dy bilance të njëpasnjëshme, nuk ka raport negativ ndërmjet aktivitetit dhe pasivitetit.

**Argumentimi:** *Kërkesa e mësipërme është përcaktuar bazuar në nenin 77, pika 3, e LPP, si dhe nenin 43, pika 4, të VKM nr. 285, datë 19.05.2021 "Për miratimin e rregullave të prokurimit publik".*

*Përcaktimi i viteve të kërkuara për paraqitjen e bilanceve është bërë duke iu referuar legjislacionit të fushës, konkretisht, ligjit nr. 8438, datë 28.12.1998 "Për tatimin mbi të ardhurat", i ndryshuar, Udhëzimit të Ministrit të Financave nr.5, datë 30.01.2006, "Për tatimin mbi të ardhurat", i ndryshuar, si dhe kërkesave të ligjit Nr. 25/2018 "Për kontabilitetin dhe pasqyrat financiare". Referuar në nenin 29 të Ligjit Nr. 8438, datë 28.12.1998 "Për tatimin mbi të ardhurat tatimore: "Çdo tatimpagues përgatit deklaratën vjetore të të ardhurave të tatueshme në formën e përcaktuar në udhëzimin e Ministrit të Financave në zbatim të këtij ligji. Tatimpaguesit paraqesin deklaratën vjetore në organet tatimore brenda datës 31 mars të vitit pasardhës, duke paraqitur në të njëjtën kohë bilancin kontabël, së bashku me anekset e tij, si dhe çdo të dhënë tjetër të përcaktuar në udhëzimin e Ministrit të Financave në zbatim të këtij ligji.*

### **2.3 Kapaciteti teknik:**

#### **2.3 Për kapacitetin teknik:**

**2.3.1** Operatori ekonomik duhet të paraqesë dëshmi për shërbimet e mëparshme të ngjashme, të kryera gjatë tre viteve të fundit nga data e shpalljes së njoftimit të kontratës, në një vlerë jo më të vogël se 30 % të vlerës së fondit të limitit të kësaj kontrate.

- a) për përvojën e mëparshme të realizuar me sektorin publik, operatori ekonomik duhet të paraqesë vërtetime të lëshuara nga një ent publik për përmbushjen me sukses të kontratës, ku të shënohen vlera, afati i përfundimit të kontratës, ose faturat tatimore të shitjes, të plotësuara sipas kërkesave të legjislacionit në fuqi, ku shënohen datat, shumat dhe shërbimet e realizuara.
- b) për përvojën e mëparshme të realizuar me sektorin privat, operatori ekonomik duhet të paraqesë fatura tatimore të shitjes, të plotësuara sipas kërkesave të legjislacionit në fuqi, dhe të deklaruara në organet tatimore, ku shënohen datat, shumat dhe shërbimet e realizuara.

*Në rastin e procedurave të prokurimit "Shërbim konsulence", si përvojë e mëparshme për shërbimet e ngjashme me objektin e prokurimit do të njihen dhe/ose shërbimet e ngjashme me fushat përkatëse të ekspertizës, pjesë e objektit të prokurimit.*

**Argumentimi:** *Kërkesa e mësipërme është përcaktuar bazuar në nenin 77 të ligjit nr. 162, datë 23.12.2020 "Për prokurimin publik" dhe nenin 41, pika 3 të VKM nr. 285, datë 19.05.2021 "Për miratimin e Rregullave të Prokurimit Publik". Me anë të këtij kriteri kërkohet që operatorët ekonomikë të dëshmojnë që kanë përvojën e nevojshme për të zbatuar kontratën, prandaj është kërkuar që shërbimet e mëparshme të ngjashme të jenë në vlerën jo më pak se 40 % të vlerës së*

*fondit limit, që është brenda vlerës kufi të përcaktuar në nenin e sipërcituar.*

*Përcaktimi i vlerës së kërkuar për kontratat e ngjashme është vendosur brenda kufirit të vlerës të përcaktuar në rregullat e prokurimit publik dhe i shërben AK për të treguar se ofertuesit me kapacitetet e tyre kanë realizuar kontrata të ngjashme me objektin që prokurohet, në vlerë jo më të vogël se 40 % të fondit limit, në afat, me cilësi dhe rrit besueshmërinë mbi përvojën që ka ofertuesi në treg. Përvoja e ngjashme konsiderohet si kriter thelbësor dhe si rrjedhim operatorët ekonomikë duhet të paraqesin dëshmi të tilla si referenca/fatura tatimore, për të provuar kryerjen e tyre qoftë me sektorin privat dhe atë publik.*

*Shënim: Duke qenë se aktet ligjore dhe nënligjore parashikojnë një marzh për vlerën e kontratave të ngjashme që mund të kërkohej, autoritete/entet kontraktore duhet të argumentojnë vlerën e kërkuar të kontratave të ngjashme brenda këtij marzhi.*

**2.3.2** Operatori ekonomik duhet të dëshmojë se disponon “ekspertët kryesorë” për realizimin e këtij shërbimi si më poshtë vijon:

Për të vërtetuar këtë, OE duhet të paraqesë: listën emërore të ekspertëve kryesorë, kontratën e punës ose marrëveshjen e angazhimit për këtë procedurë të prokurimit, CV-të, dhe diplomat universitare përkatëse si pjesë e ofertës teknike.

Stafi që duhet të disponojë kontraktori duhet të ketë në përbërje specialistë të profileve si më poshtë:

#### **Udhëheqës Ekipi**

- Diplome universitare në nivelin master në Inxhinieri/Shkenca Mjedisore/Ekonomik/Shkenca të Natyrës ose fusha të ngjashme, me trajnime në fushën e Menaxhimit të Riskut të Fatkeqësive ose të ngjashme dhe/ose disiplina të qendrushëmrisë ndaj klimës ose lëndë të tjera të ngjashme.
- Të ketë përvojë të demonstruar në menaxhimin kompleks të punës për Menaxhimin e Riskut të Fatkeqësive në një rol udhëheqës

#### **Ekspert i Vlerësimit të Riskut për rreziqet e Sëmundjeve Infektive (Biologjike)**

- Diplome universitare në nivelin master në biologji/mikrobiologji/inxhinieri biologjike dhe/ose çdo fushë e përshtatshme studimi
- Të ketë përvojë profesionale në fushën e shëndetit publik

#### **Expert i Vlerësimit të Riskut të Përmytjeve**

- Diplome universitare në nivelin master në inxhinieri hidrologjike/hidroteknikë/ meteorologji, ose çdo fushë tjetër e përshtatshme studimi
- Të ketë përvojë profesionale në fushën e vlerësimit të riskut nga përmytjet dhe menaxhimit të ujit

### **Expert i Vlerësimit të Riskut Sizmik dhe i Vlerësimit të Rrëshqitjeve të Dheut**

- Diplome universitare ne nivelin master në inxhinieri ndërtimi/sizmologji/inxhinieri gjeoteknike ose disiplina të tjera të ngjashme me to
- Të ketë përvojë profesionale në studimet sizmike, duke përfshirë rrëshqitjet e dheut

### **Expert i Vlerësimit të Riskut Teknologjik (Industrial)**

- Diplome universitare ne nivelin master në inxhinieri kimike/inxhinieri bioteknologjie/inxhinieri biokimike dhe/ose çdo fushë e përshtatshme studimi
- Të ketë përvojë profesionale në sektorin industrial dhe teknologjik

### **Expert i Vlerësimit të Riskut të Zjarreve në Pyje**

- Diplome universitare ne nivelin master në ekologji pyjore/menaxhim pyjesh/mjedis ose çdo fushë tjetër e përshtatshme studimi
- Të ketë përvojë profesionale në fushën e Pylltarisë dhe menaxhimit të zjarreve në pyje

### **2 Expert GIS**

- Diplome universitare ne nivelin master në Gjeodezi
- Të ketë përvojë pune në GIS dhe aplikimin në harta dhe vlerësime të ndryshme, duke përfshirë gjithashtu, mundësisht, rreziqet natyrore

### **Ekspert i ZRF**

- Diplomë universitare në nivelin master ne Inxhinieri/Shkenca Mjedisore/Shkenca natyrore/Menaxhim të Riskut të Fatkeqësive ose fusha të ngjashme
- Të ketë përvojë profesionale në ZRF, menaxhimin e krizave, sistemet e paralajmërimit të hershëm, mekanizmat e gatishmërisë dhe përgjigjes, komunikimet emergjente, mbrojtjen civile ose ndonjë kombinim ekuivalent/i aplikueshëm trajnimi dhe përvoje

### **Ekspert Inxhinierie Ndërtimi dhe i Zhvillimit Urban/Territorial/**

- Diplome universitare ne nivelin master ne Inxhinieri/Shkenca Mjedisore/Shkenca natyrore/Menaxhim të Riskut të Fatkeqësive ose fusha të ngjashme
- Të ketë përvojë në ZRF, menaxhimin e krizave, sistemet e paralajmërimit të hershëm, mekanizmat e gatishmërisë dhe përgjigjes, komunikimet emergjente, mbrojtjen civile ose ndonjë kombinim ekuivalent/i aplikueshëm trajnimi dhe përvoje

### **Ekspert i Zhvillimit Lokal Social dhe Ekonomik**

- Diplome universitare ne nivelin master në Ekonomiks/Zhvillim/Administratë Publike, ose çdo fushë tjetër të përshtatshme
- Të ketë përvojë pune në zhvillimin ekonomik lokal, analiza dhe identifikim të vlerave lokale, nxitësit dhe mundësitë ekonomike, potencialet zhvillimore dhe kapaciteteve lokale, zgjerimin e mundësive në mënyrë që prej rritjes dhe zhvillimit të përfitojnë grupet e marxhinalizuara

### **Ekspert i Pushtetit Vendor**

- Diplome universitare ne nivelin master në Shkencat e Zhvillimit/Administratë Publike, ose çdo fushë apo disiplinë tjetër të përshtatshme
- Të ketë përvojë pune me pushtetin vendor në fushën e ngritjes së kapaciteteve institucionale, menaxhimit të ndryshimeve, menaxhimit financiar, apo të ngjashme

### **Ekspert Financiar**

- Diplome universitare ne nivelin master në finance/ qeverisjen dhe zhvillimin ekonomik, politika publike ose tjetër diplomë e përshtatshme
- Të ketë përvojë pune dhe kompetencë e dëshmuar në kryerjen e kërkimit dhe ofrimin e udhëzimeve strategjike në fushën e shpërndarjes së fondeve dhe shpenzimeve publike si dhe përvojë në lidhje me shpërndarjet e fondeve publike dhe shpenzimet për aftësi ripërtëritëse.
- Preferohet përvojë e dëshmuar në analiza ekonomike, financa publike dhe investime për zvogëlimin e riskut nga fatkeqësitë

### **Ekspert i Mjedisit dhe Ndryshimeve Klimatike**

- Diplome universitare ne nivelin master në Shkenca Mjedisit ose çdo fushë apo disiplinë tjetër e përshtatshme
- Të ketë përvojë pune në fushën e mjedisit, ndryshimeve klimatike, zvogëlimit dhe menaxhimit të riskut nga fatkeqësitë

**Shënim:** Kriteri 2.3.2 dhe nënparagrafi e tij do të konsiderohet i përmbushur me plotësimin e formularit sipas shtojcës 12, pjesa III, pika B të DT. Dokumentat e kërkuara më sipër do të paraqitën nga OE i kualifikuar në vend të parë përpara publikimit të njoftimit paraprak të fituesit dhe nisjes së afateve të ankimit.

- Dokumentacioni provues, i kërkuar në pikën 2.3.2 (Stafi) duhet të ngarkohet nga OE, si pjesë e ofertes teknike për efekt të vlerësimit me pikë në fazën e dytë atë të paraqitjes së propozimeve teknike dhe ekonomike.

**Një ekspert nuk duhet të jetë i angazhuar njëkohësisht në stafin e dy shoqërive që marrin pjesë në këtë procedurë prokurimi.**

**Argumentimi:** Në bazë të pikës 4, të nenit të 77, të ligjit nr. 162, datë 23.12.2020 “Për prokurimin publik” dhe nenit 41, pika 4 b) dhe c), të VKM nr.285, datë 19.05.2021 “Për miratimin e Rregullave të Prokurimit Publik” i ndryshuar, me anë të këtij kriteri kërkohet që operatorët ekonomikë të dëshmojnë që kanë fuqinë punëtore të

nevojshme për ekzekutimin e objektit të prokurimit, që ka në dispozicion apo që mund t'i vihen në dispozicion operatorit ekonomik për të përmbushur kontratën. Konkretisht:

*Neni 77, të ligjit nr. 162, datë 23.12.2020 "Për prokurimin publik", pika 4:*

*[...Në lidhje me aftësitë teknike dhe profesionale, autoritetet ose entet kontraktore mund të vendosin kërkesa që garantojnë se operatorët ekonomikë zotërojnë burimet e nevojshme njerëzore e teknike, si dhe përvojën e nevojshme për të zbatuar kontratën sipas një standardi të përshtatshëm cilësie...]*  
*VKM nr. 285, datë 19.05.2021 "Për miratimin e rregullave të prokurimit publik" i ndryshuar, Neni 41, pika 4.*

*Per përmbushjen e këtij kriteri, operatori ekonomik duhet te paraqese dokumentacionin provues si më poshtë vijon:*

*Kriteret për kualifikim vendosen që t'i shërbejnë autoritetit kontraktor për njohjen e gjendjes dhe kapaciteteve të operatorëve ekonomikë, të cilët, nëpërmjet dokumentacionit të paraqitur duhet të vërtetojnë se zotërojnë kualifikimet e nevojshme teknike, profesionale etj., reputacionin dhe besueshmërinë, përvojën e duhur, si dhe personelin e nevojshëm, gjithçka në funksion të realizimit me sukses të kontratës.*

*Kërkesa për staf është e nevojshme për të garantuar Autoritetin Kontraktor se OE disponon kapacitetet me qëllim përmbushjen e objektivave të kontratës, qëllimit dhe rezultateve që pritet të arrihen.*

*Numri i përcaktuar për secilin specialist është përlllogaritur, duke marrë në konsideratë proceset, veprimtaritë apo shërbimet që përfshihen për realizimin e kontratës dhe është në përpjestim me natyrën, përmasat e kontratës që do të prokurohet dhe limitet kohore të parashikuara për të përfunduar këtë kontratë.*

*Konkretisht:Argumenti per stafin*

- ***1 (një) Udhëheqës Ekipi*** – Udhëheqësi i ekipit ofron udhëzime në menaxhim projekti duke përfshirë të kuptuarit e parimeve të ciklit të projektit, kuadrit logjik, monitorimit dhe vlerësimit, ofron aftësi udhëheqëse, duke përfshirë koordinimin dhe udhëzimin e stafit etj. Është përgjegjës për koordinimin e përgjithshëm dhe kontrollin e cilësisë së produkteve të dorëzuara. Ajo/Ai pritet të ofrojë udhëzime dhe udhëheqje për ekipin e ekspertëve me qëllim të arritjes së detyrave të caktuara. Udhëheqësi i Ekipit do të jetë gjithashtu përgjegjës për dorëzimin përfundimtar të produkteve dhe do të veprojë si përfaqësuesi kryesor me bashkinë dhe AKMC-në.
- ***1 (një) Ekspert i Vlerësimit të Riskut për rreziqet e Sëmundjeve Infektive (Biologjike)***– Të cilët do të Demonstronjë ekspertizë teknike të dalluar, e përshtatshme për detyrat përkatëse, të lidhura drejtpërdrejt me aktivitetet të menaxhimit të fatkeqësive të rreziqeve biologjike në nivel rajonal.
- ***1 (një) Ekspert i Vlerësimit të Riskut të Përmbytjeve-*** Do të demonstrojë ekspertizë teknike të dalluar, e përshtatshme për detyrat përkatëse, të lidhura drejtpërdrejt me aktivitetet të menaxhimit të fatkeqësisë së përmbytjes në nivel rajonal
- ***1 (një) Ekspert i Vlerësimit të Riskut Sizmik dhe i Vlerësimit të Rrëshqitjeve të Dheut -*** I cili do të ofrojë njohuri në vlerësimet sizmike dhe të rrëshqitjeve të tokës në nivel rajonal.
- ***1 (një) Ekspert i Vlerësimit të Riskut Teknologjik (Industrial)***– I cili do të ofrojë njohuri në menaxhimin e rreziqeve teknologjike në nivel rajonal .

- **1 (një) Ekspert i Vlerësimit të Riskut të Zjarreve në Pyje** – I cili do të ofrojë njohuri të kontekstit rajonal të zjarreve në pyje, risqeve të ndryshimeve klimatike
- **2 (dy) Expert GIS** - I cili do të ofrojë njohuri në GIS dhe aplikimin në harta dhe vlerësime të ndryshme, duke përfshirë gjithashtu, mundësisht, rreziqet natyrore
- **1 (një) Ekspert i ZRF**- I cili do të ofrojë njohuri në ZRF, menaxhimin e krizave, sistemet e paralajmërimit të hershëm, mekanizmat e gatishmërisë dhe përgjigjes, komunikimet emergjente, mbrojtjen civile ose ndonjë kombinim ekuivalent/i aplikueshëm trajnimi dhe përvoja
- **1 (një) Ekspert Inxhinierie Ndërtimi dhe i Zhvillimit Urban/Territorial**- i cili do të ofrojë njohuri në zhvillimin e punimeve civile lokale, sigurinë dhe standardet e ndërtesave, planifikimin urban dhe rajonal duke përfshirë planifikimin e përdorimit të tokës, analizën socio-ekonomike, planifikimin e infrastrukturës dhe mjedisit, politikat e strehimit dhe iniciativat zhvillimore, pjesëmarrjen e palëve të interesuara dhe ngritjen e kapacitetit institucional
- **1 (një) Ekspert i Zhvillimit Lokal Social dhe Ekonomik**- I cili do të ofrojë njohuri në zhvillimin ekonomik lokal, analiza dhe identifikim të vlerave lokale, nxitësit dhe mundësitë ekonomike, potencialet zhvillimore dhe kapaciteteve lokale, zgjerimin e mundësive në mënyrë që prej rritjes dhe zhvillimit të përfitojnë grupet e marxhinalizuara
- **1 (një) Ekspert i Pushtetit Vendor** – I cili do të ofrojë njohuri në fushën e ngritjes së kapaciteteve institucionale, menaxhimit të ndryshimeve, menaxhimit financiar, të pushtetit vendor
- **1 (një) Ekspert Financiar** – I cili do të ofrojë njohuri dhe të dëshmojë në kryerjen e kërkimit dhe ofrimin e udhëzimeve strategjike në fushën e shpërndarjes së fondeve dhe shpenzimeve publike
- **1 (një) Ekspert i Mjedisit dhe Ndryshimeve Klimatike**- I cili do të ofrojë njohuri në fushën e mjedisit, ndryshimeve klimatike, zvogëlimit dhe menaxhimit të riskut nga fatkeqësitë

Argumentimi i specifikimeve teknike (termave të referencës):

*Termat e referencës/ Specifikimet teknike janë hartuar nga struktura të specializuara/ Grup pune për objektin që prokurohet, i ngritur me Urdhër të Titullarit për hartimin e specifikimeve teknike/ termave të referencave, në përputhje me parashikimet e nenit 4, pika 38/b dhe nenit 36, të LPP, si dhe nenit 41, pika 1, të VKM nr. 285, datë 19.05.2021, “Për miratimin e rregullave të prokurimit publik”, duke argumentuar çdo kërkesë funksionale ose performance, apo/dhe çdo standard të kërkuar, ku çdo referencë duhet të shoqërohet nga fjalët “ose ekuivalenti i tij/saj”.*

Objektivi i përgjithshëm i “Për miratimin e Vlerësimit të Riskut nga Fatkeqësitë e Strategjitë për zvogëlimin e Riskut nga Fatkeqësitë 2023-2030 në Nivel Lokal”, është të mbështesë rregullimin e saktë të kuadrit lokal të ZRF-së në funksion të detyrimit ligjor për të gjitha bashkitë për të zhvilluar kuadrin e tyre të ZRF, në harmonizim dhe koordinim me dokumentat në nivelin qendror. Më herët ky proces është pilotuar në gjashtë bashkitë e Qarkut Fier, metodologjia e të cilës do të shërbejë gjithashtu si referencë për Bashkinë Tiranë.

Ky proces do të zhvillohet paralelisht me bashkërendimin dhe monitorimin e autoriteteve të Agjencisë Kombëtare të Mbrojtjes Civile (AKMC) për të garantuar gjithëpërfshirje administrative dhe teknike



## QËLLIMI I SHËRBIMIT:

Ky shërbim konsulence konsiston në dy faza:

1. Hartimi i Vlerësimit të Riskut të Fatkeqësive në nivel lokal për Bashkinë Tiranë.
2. Hartimi i Strategjisë Vendore të ZRF-së për Bashkinë Tiranë,

Mbështetja specifike aktuale për nivelin lokal do të ketë tre përfitime të menjëhershme:

- së pari, proceset pjesëmarrëse për zhvillimin e vlerësimit të rrezikut lokal dhe strategjisë së ZRF-së do të shërbejnë si ushtrime të fuqishme ndërgjegjësuese për institucionet dhe komunitetet lokale.
- së dyti, dokumentet e përmendura më sipër do të ushqehen me njëri-tjetrin si dhe do të ndërveprojnë me dokumentet e nivelit qarkor dhe kombëtar (pritet ndërveprim dhe ndikim nga lart-poshtë dhe poshtë-lart); dhe
- së treti, dokumentet e reja kombëtare, pavarësisht përditësimit të tyre, do të bazohen në kuadrin aktual të ZRF-së me një përafrim të fortë me Kornizën Sendai, të cilat janë parimet që duhen ndjekur edhe për dokumentet vendore.

Sa më sipër hartimi i kërkesave për kualifikim që lidhen me kapacitetin teknik, specifikimet teknike/termat e referencës dhe çdo informacion tjetër specifik i nevojshëm janë hartuar nga specialisti/specialistët e fushës anëtar i njësisë së prokurimit. Për të krijuar dosjen e tenderit në sistemin e prokurimit elektronik të APP-së si dhe për të ngarkuar të gjithë dokumentacionin e procedurës së prokurimit me objekt: **”Për miratimin e Vlerësimit të Riskut nga Fatkeqësitë e Strategjitë për zvogëlimin e Riskut nga Fatkeqësitë 2023-2030 në Nivel Lokal”** Njësia e Prokurimit autorizoi personin përgjegjës për prokurim.

### **Bashkëlidhur këtij procesverbali:**

Dokumentat e tenderit;

Termet e Referencës